

金匱翼

金匱翼卷四目錄

尸症

五尸

諸症

鬼迷鬼擊

癲狂

驚癇

症

黃疸

穀疸

酒疸

女勞疸

陰黃

瘧黃

表邪發黃

急黃

消渴統論

治法

水病

風水

皮水

石水

腎水

脹滿統論

脾脹

肝脹

膈脹

血脹

食脹

熱脹

實脹

虛脹

積聚統論

肥氣

伏梁

痞氣

息賁

奔豚

氣積

血積

慮癥

石癥瘕聚

米瘕

內積

通治諸積

金匱翼卷四

飼鶴山人尤在涇苑生怡集

長洲後學徐錦炳南氏讀

尸疰

五尸

惡氣所發。一病而五名也。其症令人寒熱淋瀝沉溺
默默無處不惡。或腹痛脹急。不得氣息。上衝心胸及
攻兩脇。或礫硯踊起。或攣引腰脊是也。其得之疾速
如飛走狀者。名曰飛尸。停遁不消。去來無時者。名曰

遁尸。沉痾在人藏府者。名曰沉尸。衝風則發者。名曰
尸。隱伏積年不除者。名曰伏尸。然雖有五者之名。其爲
鬼惡邪氣則一也。亦可通以一法治之。

雄黃丸 治卒中飛尸。腹痛脹急。上衝心胸及攻

兩脇。或硃礞踊起。或攣引腰脊。

雄黃

研

大蒜

各一兩

二味搗丸如彈子大。每服一九。熱酒化下。未差

更服。

痰藜子丸

治同前

蒺藜子

炒去刺
二兩

爲末蜜丸小豆大食後水下二十九。

木香丸

木香

丁香

各三分

鬼箭羽

桔梗

當歸

陳皮

去白炒

紫蘇

微炒各一兩

白栴榔

煨十四枚

桃仁

去皮尖雙仁炒
黃色十四枚

右搗篩每服五錢水煎溫服無時日二。

蒸熨方

治遁尸飛尸及風毒腫流入頭面四肢

芥子

蒸熟焙
一斤

爲末。以鉛丹二兩拌勻。分作兩處。用疎皮袋盛之。更換蒸熱。以熨痛處。

麝香散 治卒中惡氣。心腹刺痛。

麝香 一分 犀角屑 木香 各半兩

爲末。每服二錢。空心熱水調下。日二。未止再服。

又方

茱萸根 一握切 烏梅 十四枚 吳茱萸 湯浸焙乾二兩半

水五升。煮以病人櫛內其中。三沸。櫛浮者生泥。者死。煮三升。時飲之。

按櫛有通疏之用。浮屬陽。沉屬陰。陽主開而陰主閉。卒死客忤者。邪氣暴加。諸陽乍閉。得陽而開。則生。得陰而閉。則死也。

本事方云。飛尸者。遊走皮膚。穿藏府。每發刺痛。變作無常遁尸者。附骨入肉。攻鑿血脈。每發不可得近。見尸喪聞哀哭。便發風尸者。搖躍四肢。不知痛之所在。每發昏沉。得風雪便作。沉尸者。纏骨結藏。冲心脇。每發絞切。遇寒冷便作。注尸者。舉身沉重。精神錯雜。常覺昏廢。每節氣致變。輒成大惡。並宜用太乙神精丹。

父蘇合香丸及忍冬葉剉數斛。煮令濃。取汁煎之。如雞子大。一枚。日三。

頃在徽城日。嘗修合神精丹一料。庚申余家一婦人夢中見二蒼頭。一在前。一在後。手中持一物。前者云到也。未。後應云到也。擊一下。爆然有聲。遂覺。覺後心一點痛不可忍。昏悶一時許。予忽憶神精丹。有此一症。取三粒令服之。遂至府。過少頃。歸婦已無病矣。云服藥覺痛止神醒。今如常矣。日後相識。稍有邪氣。與一二服。無不應驗。方在千金中。乃治中風之要藥。但

近世少得曾青磁石爲難合耳。

太乙神精丹 治客忤霍亂腹痛脹滿尸疰惡風

顛狂鬼語。蠱毒妖魅。

雄黃

油煎七日

雌黃

硃砂

磁石

曾青

各一兩

金芽石

六錢

右各研細。將雌雄黃硃砂醋浸三日。曾青用好

酒浸銅器中。紙封曝七日。如天陰。用火焙乾。六

味同研勻。用砂盆盛。令藥滿。得三分許。以此准

合子大小。先以赤石脂末固縫。外用六一泥固

濟訖。候透乾。以晴明六合吉日。別用泥作三個
柱子。高五寸。令平穩如鼎足狀。安合子。下置炭
火三斤。逐漸添炭。常令及五斤。只在盒底。不得
過口。煨五日爲度。放冷水中。浸合子。候透。剝去
泥。將合子輕手取開。其藥精英五色。畫在蓋上。
亦有三色者。純白爲上。研細。棗肉爲丸。如粟米
大。每服一九米飲下。如噤口牙緊。幹開前齒灌
下醒。

諸症

疰者，住也。邪氣停住而爲病也。皆因精氣不足，邪氣乘之，伏于筋脈，流傳藏府，深入骨髓，經久不已。時發時止，令人昏悶，無不痛處。其因風邪所觸者，則爲風疰。臨喪哭泣，死氣所感者，則爲尸疰。鬼邪所擊者，爲鬼疰。其風疰之去來擊痛，遊走無常者，又爲之走疰。其他又有氣血溫涼勞泄等疰之名，病各不同。其爲停住不去，則一也。詳見千金外臺聖濟諸書。

羌活湯 治風疰心腹刺痛。上攻胸背。

羌活

橘紅

大腹皮

焙各三錢

桑白皮

一兩五錢

芎藭 一兩 大豆 炒一合

搗末。每服三錢。水煎溫服。良久再服。

杏仁丸 治尸疰。

杏仁 去皮尖 雙仁炒 亂髮灰 各一錢

研勻和丸如小豆大。每服五丸。猪膏酒下。

八毒丸 治鬼疰中惡心痛癖積蠱注鬼氣。

雄黃 研 珍珠 研 礬石 煨

巴豆 去皮心 炒去油

丹皮 各一兩 附子 去皮 臍三兩 藜蘆 二兩

蜈蚣 去頭足 炙一條

右爲末。蜜丸如小豆大。米飲下一丸。得吐爲效。

一方用雄黃礬石硃砂附子炮藜蘆丹皮巴豆各
一兩蜈蚣一條爲末蜜丸小豆大每服五七丸
冷白湯送下無時

厚朴丸 治一切氣疰大腸結滯背膊刺痛及食

物不消奔豚氣逆

厚朴

薑汁炒一兩

桂心

大黃

醋炒各二兩

桃仁

去皮尖雙仁炒三兩

爲末蜜丸如小豆每服三十丸米飲下食後臨

臥服微利卽效一方加附子二兩

鬼迷鬼擊

鬼迷者。心氣不足。精神衰弱。幽陰之氣。乘虛而感。令人喜怒不常。情思如醉。或狂言驚怖。向壁悲嘯。夢寐多魘。與鬼交通。乍寒乍熱。腹滿短氣。不食。診其脈。人迎氣口。乍大乍小。乃鬼魅所持之候也。鬼擊之病。得之無漸。卒著人。如矛戟所傷。令人胸脇腹滿。急痛。不可按抑。或卽吐血。或卽下血。輕者獲免。重者或致不救。治宜符禁之法。兼辟邪安正之劑。

治鬼迷不醒方

雄黃一味研如粉吹入兩鼻中差。

安息香取一皂子大焚令煙起邪自退。

治妖魅病人不言鬼方。

生鹿角銹一味爲細末每服一錢。言卽差。

治卒中鬼擊方。

雞冠血一味瀝口中令下咽。仍破雞以楊心下。

冷卽棄于道旁。

肘後方 治鬼擊諸病卒然著人如刀刺狀胸脇

腹內切痛不勝抑按或吐血鼻血下血一名鬼

全圖彙
卷四
排以醇酒吹兩鼻內良

千金方

吹醋少許入鼻中